


聖濟總錄

百世二

庫文閣内	
三〇〇	漢
内閣文庫	
番號	漢 12609
冊數	200 (132)
函號	300 212





大學東
校典藉
局之御

大德重校聖濟總錄卷第一百三十二

諸瘡腫門

諸瘡

反花瘡

諸惡瘡

圖書印

總錄一百三十二

又疥癩

精靈

醫部門

大醫正妙堂醫書卷之二百三十二

諸瘡

論曰諸瘡皆緣風熱濕毒之氣種類甚多載之方書備矣然有俗名瘡方論未見收錄考之皆不離於邪氣逆肉理害肌膚者今各隨其證以治法附之雖田野下俚取而用之判然可曉不必泥於沿襲也

治一切風刺面上生無名瘡癩因飲酒食炙博物得之
劉混康先生當歸丸方

當歸兩肆

青鹽兩貳

右二味先以水洗當歸乘潤用青鹽糝徧閣在高處三日取下去鹽以當歸暴乾為末滴水丸如菉豆大

每服二十九空心温酒下

治面露瘡作膿窠如香瓣柳絮散方

柳絮搗末

膩粉

右二味等分研勻燈盞中油調塗之

治大人小兒頭面上無名瘡黃水不止露蜂房散方

露蜂房

蛇蛻

各壹枚

右二味同於椀內燒過為灰每看瘡口大小用膩粉

少許和勻生油調雞翎掃之

治髭須瘡有膿窠金粉餅方

鬱金

菘豆粉各半兩

白歛壹分

右三味搗羅為末用朴消水和作餅貼之

治肺風上攻脅額生瘡苦參散方

苦參

藍葉乾陰

威靈仙去土

蔓荆實

去皮

何首烏

荆芥穗

胡麻子

烏藥

剉

天麻

右九味等分搗羅為散每服二錢匕食後温酒調下

日三夜二

治大人小兒蝕透顙頰初生如米豆名金顙瘡二金散

方

雞內金是肚內黃皮焙鬱金

右二味等分搗羅為散先用鹽漿盥漱了貼之忌米食

治髮毛瘡在頭中初生如葡萄痛不止黃香餅方

黃藥兩壹

鬱金兩半

乳香分壹

右三味搗研為末用槐花水調作餅於瘡口貼之

治髮際瘡初生如黃米大或痒或痛龍骨散方

龍骨

烏賊魚骨去甲

胡粉各半兩

鈴丹壹錢炒紫色

右四味研細先用鹽湯洗了貼之日三五上

治咽漏瘡初生結喉上如癰腫破後有眼子雄黃散方

雄黃

蜜陀僧各壹錢

膩粉參錢

麝香壹字

右四味研細如未破用白梅湯調塗已破挹去膿汁

乾貼

治緣屑瘡海帶散方

海帶不拘多少

右一味為散臨臥貼一兩宿差

治徹耳瘡并苔散方

井中苔

土馬鬣各半兩

右二味搗羅為散燈盞中油調塗之

治緊屑面腫馬莧塗方

馬齒莧不拘多少

右一味搗汁塗之冬用乾末水調塗

治鼻疳瘡侵蝕鼻柱麝香散方

麝香

草烏頭燒灰

右二味等分研細貼之

治睛漏瘡目大皆出膿汁有孔子白龍散方

龍腦

馬牙消各半錢

菘豆粉壹錢

右三味同研極細用燈心蘸藥點之日四五上

治頤頰瘡一名獨骨瘡百合散方

百合

黃蘗各壹兩

白及壹分

蓖麻子伍拾粒

右四味搗研為散用朴消水和作餅貼之日三五上

治玉枕瘡生枕骨上如癰破後如筋頭石韋散方

石韋

原蠶蛾炒

右二味等分搗羅為散乾貼取差

治腮頰腫痛或破成瘡芙蓉傳方

芙蓉葉不拘多少

右一味爛搗傅之以帛繫定日一換

治粉鈴瘡繞項赤爛多汁紅粉散方

蜜陀僧煨

龍骨各半兩

胡粉貳錢

鉛丹壹錢炒紫色

右四味研細挹去膿汁用生油調塗日三夜一

治天柱瘡生脊大頤上如錢大赤色出黃汁不止敗蹄

散方

驢蹄削貳拾片燒灰

胡粉壹分熬

麝香少許研

右三味合研未破以醋煮麩糊和成膏塗入已破乾

糝

治吹乳葡萄酒方

葡萄壹枚

右一味於燈焰上燎過研細熱酒調服

治吹乳鮫鯉甲散方

鮫鯉甲壹兩炙黃又名穿山甲

自然銅半錢生用

木通壹兩

右三味搗羅為散溫酒下一錢七不拘時

治乳頭烈方

丁子香不以多

右一味搗為末傅之立愈

治乳癰方

赤小豆末

蛇脫皮燒作灰

右二味以雞子白和之傅上少乾即易

治諸惡瘡疼痛不可忍上諸藥不効者宜塗黃蘗散方

黃蘗壹分微炙

黃丹壹分炒令紫色

蜜陀僧壹分

白狗糞半兩燒灰

膩粉半兩

麝香壹錢細研

騏驎竭壹錢

右七味搗羅為細散都研令勻先用甘草湯洗瘡口

後用津唾調塗之

又方

熊脂不以多少

右一味細研塗之良

治乳汁不時洩蓄積於內遂成癰名妬乳漏蘆散方

漏蘆壹兩

黃芩壹兩去黑心

米粉半兩

右三味搗為細散水調如膏塗於乳上

治吹乳癰腫疼痛寒熱發歇晝夜不可忍蛇蛻皮散方

蛇蛻皮半兩燒灰

麝香貳錢

右二味研令勻細每服一錢熱酒調下併三服不計

時候

治婦人乳癰汗不出蓄積內結成膿腫名妬乳方

露蜂房不以多少燒為灰

右一味研細每服二錢匕水一中盞煎至六分去滓

溫服

治婦人吹乳獨勝散方

白丁香兩半

右一味搗羅為細散每服一錢匕溫酒調下不計時

候

治乳癰黃連散方

黃連壹分

大黃壹分

鼠糞末貳分

右三味搗羅為細散煮黍米粥飲調和如膏於乳四

邊傅之

治瘡欲似蜂窠差而還發方

胡粉

朱砂各等分

右二味細研為末以蜜和合塗於瘡上日三換之即

愈

諸惡瘡

論曰內經云諸瘡瘍皆屬心諸濕腫皆屬脾蓋心主血脾主肉也由體虛受於風濕邪毒與氣血相搏故發瘡也甚者焮腫滿痛潰而多汁或形體為之壯熱稽緩不治則毒氣內攻固不可以常法治之治一切惡瘡久不差者麝香散方

麝香當門子

丁香

木香

紫檀香各壹分

乳香

沒藥各半兩

右六味搗研為散用雞子清和入殼內飯上蒸熟暴乾再研分作六服每用蠟茶清調下

治惡瘡皂莢刺散方

皂莢刺兩壹

乳香壹分

右二味搗研為散每服二錢匕以酒一盞煎一兩沸

服熱酒調下亦得

治遠年惡瘡乳香散方

乳香

膩粉各半錢

麝香壹字

龍骨

大黃剉

黃蘗去麤皮各參錢

右六味搗研為散先用苦竹瀝洗瘡次糝藥貼之

治諸惡瘡多出膿水不乾者龍葵散方

龍葵俗名天茄子

景天俗名慎火草

黃連去須

一天靈蓋各壹兩

龍骨

乳香

木龍子 黃蜀葵花各半兩

右八味搗研為散看瘡大小入膩粉少許蜜調攤紙

上貼之

治無名惡毒瘡似魚眼者獺骨散方

獺骨生碾末壹兩

麝香壹字

右二味細研和勻用津唾調貼之

治惡瘡生好肉去膿水風毒氣腫烏蛇膏方

烏蛇去皮骨炙末貳兩麻油壹斤鉛丹貳兩

鼠壹箇臘月者尤佳蠟肆兩

右五味先用油煎鼠令消去滓次用鉛丹并烏蛇末微火煎沸後下蠟更煎十沸膏成以瓷器收每用封

瘡日一易

治一切惡瘡金藥散方

黃藥去麤皮黃連去草須白及去

五倍子各壹分膩粉貳錢麝香半字

右六味搗研為散冷水調傅瘡上紙花子貼之

治一切惡瘡蜜陀僧散方

蜜陀僧各壹分穀精草各壹分雄黃兩

右三味搗研為散每用少許乾糝瘡上

治惡瘡烏頭散方

烏頭壹枚炮裂去皮尖為末膩粉貳錢

右二味研勻先用白湯洗瘡數徧次用鹽湯洗數徧後以唾調藥成膏傅瘡口

治惡瘡久不差者檳榔黃葵散方

檳榔壹箇生者木香壹分黃蜀葵花壹分

黃連去須

右四味將檳榔秤見分兩餘藥與檳榔等分搗羅爲細散先以溫漿水洗瘡淨看大小入膩粉少許蜜調塗於故帛上傅之二三日易之

治久患惡瘡不可者牛角散方

黃牛角壹分

麋角屑壹分

白歛壹分

麝香半分

蜜陀僧半分

黃丹半分

蜣螂壹分

羌活兩

海桐皮壹兩

仙靈脾兩

乾地龍壹兩

右十一味搗羅爲細散每服二錢七溫酒調下空心

食前服

治惡瘡人不識多年不可者赤小豆散方

赤小豆炒

糯米炒

吳茱萸炒

黃連去須

黃蘗剉

乾薑

蛇牀子已上剉

右七味搗羅爲細散以生油和如面脂先煎槐枝湯

洗瘡令淨然後塗藥日再換之

治惡瘡粉香散方

膩粉貳錢

乳香錢

葱壹根 煨熟 去焦皮

右三味同研如膏攤在帛上貼瘡三日一換

治惡瘡金黃散方

黃蘗壹兩

蜜貳兩將蜜塗黃蘗炙蜜盡為度

右三味搗羅為散入麝香半字同研勻細乾糝瘡上

治諸般惡瘡通聖散方

天南星炮

貫衆炒

黃蘗壹分

麝香半錢

右五味搗研為散用少許乾糝瘡上

治惡瘡久不効寸金散方

雞子殼拾箇生却子者

檳榔壹枚

麝香研

膩粉各半錢

黃蘗去麤皮

蜜陀僧各壹錢

右六味搗研為散用溫鹽漿水洗瘡乾貼

治一切惡瘡熊膽膏方

熊膽研壹錢

膩粉半錢

雄黃研

麝香研各半錢

檳榔末壹字

右五味研勻於臘日用豮豬膽一箇取汁和藥却入

藥在膽內用綿繩繫定揉勻以松明黑焰熏令徧黑

掛於陰處如惡瘡有指面大者用黍米許貼之如錢

大者用菘豆許貼之恐藥乾難貼薄以津唾調如稀

糊塗之仍用薄樺皮蓋貼以帛子繫之藥不宜多用

治一切惡瘡疼痛不可忍楓香散方

楓香脂紙襯於地上食頃令脆研

膩粉各壹分

右二味同研勻細每先含漿水令暖吐出洗瘡淨後以藥末乾傅之以差為度

治一切無名惡瘡硫黃膏方

大硫黃黃 膩粉 吳茱萸湯洗焙乾

礬石熬令汁枯 牡蠣煨赤研各半兩

右五味細研入小油半兩黃蠟一兩同熬成膏趁瘡

大小攤於紙上以火炙鎔貼之

治一切不測惡瘡年深不愈大効血竭散方

血竭兩壹 鉛丹半兩炒紫色

右二味搗研為散先用鹽湯洗瘡後貼之

治無名惡瘡年深不愈藥皮散方

黃蘗蜜炙 榆蚰蟲炙乾各壹錢 麝香少許研

右三味搗研為細末以鹽漿水洗瘡後唾調藥紙花

于貼之

治一切惡瘡二黃散方

大黃剉 黃連去須 山梔子入

連翹 白及 青黛各壹兩

右六味搗羅為散有膿乾貼無膿水調傅

又方

黃蘗去麤皮 鬱金 黃蜀葵花

白歛

右四味等分搗羅為散百合水調貼之

治諸惡瘡木香散方

木香

檳榔剉

黃連去須

右三味等分搗羅為散乾糝瘡上如瘡口乾即用生

油調傅之

治諸惡瘡口不合牛齒散方

牛齒兩

雞卵殼兩

右二味燒研為散入膩粉少許生油調塗之立愈

治惡瘡黃連散方

黃連去須

胡粉

黃蜀葵花各等分

右三味搗羅為散用龍腦麝香膩粉各少許研細拌勻先以鹽漿水帛子搵乾糝之

治惡瘡瓜蒂散方

瓜蒂肆拾枚

黃連去須參兩

杏仁去皮尖雙入

膩粉壹分

麝香壹錢

右三味搗為細末用膩粉麝香同調和令勻以津唾調塗在瘡上更用紙麪糊屨在藥上貼三五日一度含鹽水洗過更貼是瘡只貼本丹子其餘自差

又方

樓葱壹斤和須葉細切煎乾以慢火炒令黃色

硫黃貳兩細研

鼻黃壹兩細研

麝香半兩細研

右四味細研為散先以熱鹽漿水洗瘡拭乾以生油調貼逐日換之

又方

鉛丹壹兩半炒令紫

麒麟竭貳兩半細研

亂髮壹分細研

緋帛灰肆分細研

右五味先用油四兩於猛火上熬令烟出即下松脂鉛丹等煎令色黑下亂髮緋帛灰麒麟竭末等攪令勻膏成塗故帛上貼日二易之

治毒惡瘡懷乾散方

蜜陀僧壹分

黃藥半兩蜜炙

右二味懷中懷乾搗羅為散先用葱湯洗瘡候乾傅之

治積年惡瘡及透掌漏瘡外廉瘡金黃散方

大黃剉炒

鬱金剉炒

鯪鯉甲炙

穀精草

龍骨

山梔子人

木鼈子去殼

獨角仙皂莢株上黑蟲

烏賊魚骨去甲

黃藥去皮

甘草剉

白欬

不灰木

麒麟竭研

黃芩各半兩

膩粉

藜蘆去苗各壹分

右一十八味搗研為散每看瘡大小糝之有膿水即
用溫鹽漿水洗淨傅之透掌漏瘡以津調經於瘡內
不過三五上

治一切惡瘡疼痛久不差者白香散方

楓香脂研

膩粉

防風各壹分

右三味細研令勻先以含漿水令煖吐出洗瘡令淨
後以藥末乾傅之疼痛立止貼至令差即易
治一切惡瘡及瘦瘡等方

蛇牀子末

硫黃

膩粉各等分

右三味同研為散以生麻油調如糊以鹽湯淨洗瘡
拭乾即先以口脂塗之然後傅藥不過三五度差

治一切惡瘡疼痛不可忍宜傅黃連散方

黃連貳兩去須

檳榔壹兩

母丁香兩半

麝香半錢細研

右四味搗羅為細散入麝香研令勻先用鹽漿水洗
候乾以藥摻之

又方

枯樓壹枚燒作灰

右一味細研每用摻在瘡上

治諸惡瘡腫等病黑龍丸方

芎藭參錢

大黃壹分

甘草兩炙壹

益智皮去

藿香肆錢葉各

梔子錢陸

防風去義半錢

雄黃

雌黃各貳錢

麝香半錢七

膩粉伍錢七

水銀壹分爲沙

乳香半

右一十三味除研外擣羅爲末先將水銀膩粉乳香同研入諸藥研細勻水浸炊餅和丸如小豆大每服五丸嚼破茶酒下此藥一半作九子一半作散子每服酒調散子一字下九子一方更入華撥一十箇乳

香少許作九子每服五丸嚼破散子酒下若婦人吹妳用散子半錢蝸牛七枚熱瓦上煨煞令去殼黃色入龍腦麝香各少許同研酒調下合面臥若治頭面腋下赤瘤子以二藥相間服之半月軟爛自破出盡惡毒後以膏藥貼之外繫瘤子自落方

砒黃

砒霜

礞砂各半分

巴豆伍粒去皮心去

芫青去翅足柒枚

斑猫去頭足翅柒枚

右六味研爲末先取蜘蛛網及絲共搓爲線子水濕塗藥末於上貼子中常以藥末養遇有患者以線繫

之留線頭如痒即緊之如痛即不用緊其瘤自黑乾如胡桃大者三四日自落如茄子大者約半月落更大者不過二十八日如瓜者不過一月如血瘤繫之血出者服定血藥兼服藥治之

定血散方

栝樓大者壹枚去瓢 櫻櫚皮壹把 當歸切碎半兩

右二味入栝樓中泥固濟燒細研為散每服一錢匕

茶酒任調下

治惡瘡神妙地骨皮散方

右以地骨皮一物先刮取浮皮別收之次取皮下膩

白粉為細散其白粉下堅赤皮細剉與浮皮一處為麤末每用麤末一合許煎濃汁乘熱洗瘡直候藥湯冷以輭帛裹乾乃用細散傅之每日洗貼一次以差為期用之未差慎不可住但勤施之無不差者小可瘡腫疼痛只以枸杞生剉煎濃汁熱淋亦効治一切惡瘡六枝烏金膏方

- 桑枝
- 槐枝
- 榆枝
- 柳枝
- 桃枝
- 枸杞枝

右六味各長一尺麤如小指俱一寸截劈四破用油四兩炒令焦黑瀝去滓入鉛丹半兩蠟一兩復熬令

黑色傾在瓷合內候冷以新汲水浸出火毒先以後法熏出蟲乃用此膏塗瘡

治惡瘡熏藥方

貓兒糞

豬糞

亂髮

粳米糠

右四味等分都置在一地坑內用火燒上以方磚覆

之其磚心鑽一竅令煙出瘡就煙熏之有蟲及惡物

出盡以溫漿水淨洗然後塗前六枝烏金膏用帛覆

之

治一切惡瘡痛不可忍者碧雲膏方

石綠

研不以多

乳香

研

麒麟竭

研

沒藥

研各半錢

膩粉

貳錢

黃蠟

兩

松脂

壹兩

右七味先將石綠細研次下乳香麒麟竭沒藥膩粉同研細用瓷碗火上化黃蠟如油次入松脂亦化為油入少熟油用柳枝攪滴在水上鞭鞭得所次入前藥末以柳篦子攪看顏色深淺得所為度綿濾過瓷器中收於軟帛上攤貼日二換之

治一切諸惡瘡烏膏方

雄黃

半兩細研

雌黃

半兩細研

芎藭

半兩

川升麻兩半

杏人貳拾枚湯浸去皮尖雙入

胡粉壹分

巴豆貳拾枚去皮心

黃連半兩去須判

黃蘗半兩

烏頭半兩

亂髮如雞子大

松脂如雞子大

水銀半兩與胡粉入木同研星盡

蠟壹兩

竹灰半兩

右十五味以酒一盞拌一升時久安鑄於火上先取鍊了豬膏三升急煎髮令消下諸藥以文武火煎攪候杏人黃黑色以綿濾去滓入研了真珠末二錢雄黃胡粉等攪令相得收瓷合中每日二三上塗之治一切惡瘡及沙蟲水弩甲疽疼痛不可忍者並皆治

之

蜣螂拾枚端午日收者佳

右一味搗羅為細末以油調傅之即易

治二十種惡瘡及風瘡痔瘻等瘡疣子黑疵瘡腫鵠面黥黥瘡瘡塗傅烏頭膏方

烏頭貳拾枚

巴豆參拾枚

蒸蘆貳兩

大黃參兩

右四味同燒搗研為末細羅石灰一升以染青汁和成膏看病大小傅之日二三易

治一切惡瘡方

赤小豆

糯米各壹分

黃連去須貳兩

吳茱萸壹分

水銀壹兩半手內唾津研之

右五味各搗研為末和勻胡麻油調膏淨洗瘡塗之
反花瘡

論曰瘡生惡肉久則反出於瘡外故謂之反花瘡其初如飯粒破之血出餘毒尚熾惡肉隨生根深而膿潰此皆風熱毒氣之所作也

治反花瘡甘草塗傳方

甘草

半生半熟

礬石灰

人中白

蜜陀僧

各半兩

右四味並搗羅為末入童子小便半盞以微灰火熬

用竹篦攪成膏取塗瘡上日三五次

治反花瘡烟脂塗傳方

烟脂

壹兩

胡粉

壹兩半

右二味相和研令勻先以鹽湯洗瘡淨帛搵乾用藥傳之日三五次

治反花瘡久不差方

鵝鴿糞

貳兩炒黃

右一味搗羅為散先以溫漿水洗瘡搵乾以藥傳之

治反花瘡藜蘆傳方

艾蘆 末 豬脂 各貳兩

右二味相和調如糊塗瘡上日三五度

治反花瘡并治積年諸瘡不差者惡實根塗傳方

惡實根 末肆兩 豬脂 參兩

右二味調和如糊塗瘡上日三四度

治反花瘡馬齒莧塗方

馬齒莧

右爛擣令細塗瘡上日五度一方燒灰以豬脂調塗

之

治反花瘡方

右取蜘蛛膜貼瘡上乾即易之

治反花瘡方

柳枝葉 貳斤

右一味用水五升煎至二升去滓再煎如飴塗傳瘡

上日三五度一方以清油單煎柳枝令焦黃去滓候

冷旋旋塗之

治反花瘡方

鹽炒

右一味細研塗瘡上日三五度

治反花瘡方

蒼耳葉

右一味搗絞取汁服三合並塗瘡日三五次

治反花瘡方

鼠尾草根切細

右一味不拘多少熟搗和豬脂封貼瘡上



大德重校聖濟總錄卷第一百三十二

